



**Broj:** 08-06/2-14-2-3510-15/16

**Dana:** 09.09.2016.godine

Na osnovu člana 64. stav (1) tačka a), člana 25., člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavku iz Zapisnika o ocjeni ponuda broj: 08-06/2-14-2-3510-14/16 od 08.09.2016. godine, u postupku javne nabavke za - "Izgradnja građevine – poslovnog objekta Centra za edukaciju policijskih službenika i smještaj i rad SPJ i Centralne arhive za potrebe lokacije za izdavanje ličnih dokumenata", ministar Ministarstva unutrašnjih poslova Zeničko-dobojskog kantona, d o n o s i:

### **ODLUKU**

o izboru najpovoljnijeg ponuđača –grupa ponuđača, konzorcij "ALMY-GRADNJA"d.o.o. Zenica, "ALMY" d.o.o. Zenica i "AREL" d.o.o. Zenica za "Izgradnja građevine – poslovnog objekta Centra za edukaciju policijskih službenika i smještaj i rad SPJ i Centralne arhive za potrebe lokacije za izdavanje ličnih dokumenata".

#### **I**

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-3510-14/16 od 08.09.2016.godine, i ugovor za "Izgradnja građevine – poslovnog objekta Centra za edukaciju policijskih službenika i smještaj i rad SPJ i Centralne arhive za potrebe lokacije za izdavanje ličnih dokumenata", dodjeljuje se ponuđaču-grupi ponuđača konzorcij "ALMY-GRADNJA"d.o.o. Zenica, "ALMY" d.o.o. Zenica i "AREL" d.o.o. Zenica sa ponudom broj: 08-06/2-14-2-4174/16-SB od 29.08.2016.godine, za ponudenu cijenu u iznosu od 5.614.416,63 KM bez PDV-a i popust u iznosu od 252.648,75 KM koji nije uračunat u cijenu.

#### **II**

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
  - b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
  - c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
  - d) potvrde nadležne/ih institucija o uredno izmirenim obavezama po osnovu direktnih i indirektnih poreza.
- Svaki član grupe mora ispunjavati uslove u pogledu lične sposobnosti kao i sposobnosti obavljanja profesionalne djelatnosti, i ti dokazi se dostavljaju za svakog člana grupe samostalno.

- pozitivan bilans uspjeha za posljednje dvije finansijske godine (2014. i 2015.g.), odnosno od početka poslovanja u predmetnom segmentu, ako je ponuđač registrovan, odnosno počeo sa radom prije manje od 2 (dvije) godine, ukoliko je objavljivanje poslovnog bilansa zakonska obaveza u zemlji u kojoj je ponuđač registrovan. Ako ne postoji zakonska obaveza objave bilansa, ponuđač će dostaviti izjavu ovjerenu od strane nadležnog općinskog organa ili notara.

- Izjavu o ukupnom prometu ponuđača, i kada je to primjereno, o prometu u segmentu poslovanja koji je predmet ugovora, za posljednje 2 (dvije) finansijske godine (2014. i 2015.g.) za koje se raspolaže podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od 2 (dvije) godine.

- potvrde najmanje 2 poslovne banke u kojima dobavljač ima transakcijske račune, preko kojih obavlja platni promet.

- Spisak/popis ugovora o izvršenim radovima (poslovi visokogradnje) tokom posljednje dvije godine (2014. i 2015.g.), ili od datuma registracije odnosno početka poslovanja ako je ponuđač registrovan odnosno počeo sa radom prije manje od 2 godine. Uz spisak/popis izvršenih ugovora ponuđač je dužan dostaviti potvrde o uspješno izvršenim ugovorima (radovi na visokogradnji) koju daje druga ugovorna strana o njihovoj realizaciji; Potvrda o uredno izvršenim ugovorima mora sadržavati: naziv i sjedište ugovornih strana ili privrednih subjekata; predmet ugovora (poslovi visokogradnje); vrijednost ugovora; vrijeme i mjesto izvršenja ugovora, navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima (poslovi visokogradnje), uz predočavanje dokaza o učinjenim pokušajima da se takve potvrde osiguraju. Ponuđač mora dostaviti dokaz o urednom izvršenju najmanje 2 (dva) ili više ugovora o izvršenim radovima visokogradnje, čija zbirna vrijednost iznosi najmanje 5.400.000,00 KM bez PDV-a (član 7. stav (4) tačka b) alineja 2) Uputstva za pripremu modela tenderske dokumentacije i ponuda ("Službeni glasnik BiH", broj 90/14).

- rješenje o imenovanju voditelja (šefa) građenja – diploma o završenom građevinskom ili fakultetu arhitekture, uvjerenje o položenom stručnom ispitu, potvrda nadležnog PIO/MIO kao dokaz o radnom odnosu kod izvođača sa punim radnim vremenom.

- Potvrdu ponuđača da raspolaže sa minimalno 3 kipera, 1 bager, 1 kran, oplata 2000 m<sup>2</sup>, skela 2000 m<sup>2</sup>. Ako posjeduje vlastite građevinske mašine ponuđač dostavlja samo potvrdu, a ako iznajmljuje građevinske mašine potrebno je da dostavi ugovor o najmu zaključen sa vlasnikom građevinskih mašina kao i potvrdu da ima mašine u najmu.

- aktivan dokaz o registraciji u profesionalnom ili trgovačkom registru u zemlji u kojoj je osnovana firma ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost. Svaki član grupe mora biti registrovan za obavljanje djelatnosti koja je predmet nabavke (građenje građevina) ili za dio predmeta nabavke, dakle dokaz o registraciji dostavlja svaki član grupe samostalno.

- Pravni akt o udruživanju u grupu ponuđača radi učešća u postupku javne nabavke. Navedeni pravni akt mora sadržavati:

ko su članovi grupe ponuđača sa tačnim identifikacionim elementima; ko ima pravo istupa, predstavljanja i ovlaštenje za potpisivanje ugovora u ime grupe ponuđača kao i utvrđenu solidarnu odgovornost između članova grupe ponuđača za obaveze koje preuzima grupa ponuđača. Grupa ponuđača ne mora osnovati novo pravno lice da bi učestvovala u ovom postupku javne nabavke.

- 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

### III

Ova Odluka objaviće se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### IV

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-3510/16 od 14.07.2016.godine.

Javna nabavka provedena je putem otvorenog postupka za dostavu ponuda.

Procijenjena vrijednost nabavke je: 5.488.218,00 KM bez PDV-a.

Obavještenje o nabavci broj: 488-1-3-45-3-48/16 poslano je na objavu dana 14.07.2016.g. u 14,23 sati.

Komisija za javnu nabavku imenovana je Odlukom broj: 08-06/2-14-2-3510-8/16 od 26.08.2016. godine.

Komisija za javnu nabavku sačinila je Zapisnik sa otvaranja ponuda broj: 08-06/2-14-2-3510-13/16 od 29.08.2016.godine i Zapisnik o ocjeni ponuda broj: 08-06/2-14-2-3510-14/16 od 08.09.2016.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 4 (četiri) ponuđača prijavila na predmetno javno nadmetanje, i to ponuđači - grupa ponuđača, konzorcij "ALMY-GRADNJA"d.o.o. Zenica, "ALMY" d.o.o. Zenica i "AREL" d.o.o. Zenica; "DŽENA" d.o.o. Gradačac; grupa ponuđača, konzorcij "A ELING" d.o.o. Zenica i "ALMY-TRANSPORT" d.o.o. Zenica; "ITC" d.o.o. Zenica.

- da ponude ponuđača ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ.

Slijedom navedenog utvrđen je redoslijed ponuđača, kako slijedi:

Red. br.	Ponuđač	Cijena u KM bez PDV-a	Popust u KM	Cijena u KM bez PDV-a sa uračunatim popustom	Preferencijalni tretman domaćeg	Cijena sa popustom i preferencijalnim tretmanom domaćeg u KM bez PDV-a	Rok izvođenja radova	Rok plaćanja	Garantni rok	Bodovi za cijenu	Bodovi za rok izvođenja radova	Bodovi za rok plaćanja	Bodovi za garantni rok	Ukupno bodovi	Rang
1.	KONZORCIJ ALMY GRADNJA D.O.O. ZENICA, ALMY D.O.O. ZENICA I AREL D.O.O. ZENICA	5.614.416,63	252.648,75	5.361.767,88	Da	4.557.502,60	330 dana	90 dana	120 mjeseci	75,00	9,09	7,50	4,17	95,76	<b>1</b>
2.	D.O.O. DŽENA GRADACAC	6.567.440,65	459.720,85	6.107.719,80	Da	5.191.561,80	350 dana	30 dana	60 mjeseci	65,84	8,57	2,50	2,08	78,99	<b>4</b>
3.	KONZORCIJ A ELING D.O.O. ZENICA I ALMY TRANSPORT D.O.O. ZENICA	5.897.641,53	294.882,08	5.602.759,45	Da	4.762.345,40	do 31. 10. 2017. god. (300 dana)	8 dana	72 mjeseca	71,77	10,00	0,66	2,50	84,93	<b>3</b>
4.	ITC D.O.O. ZENICA	6.350.299,61	-	6.350.299,61	Da	5.397.754,60	300 dana	120 dana	144 mjeseca	63,32	10,00	10,00	5,00	88,32	<b>2</b>

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "ekonomski najpovoljnija ponuda".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Slijedom navedenog, ponuđač - grupa ponuđača konzorcij "ALMY-GRADNJA"d.o.o. Zenica, "ALMY" d.o.o. Zenica i "AREL" d.o.o. Zenica je odabran na osnovu ponuđene cijene u iznosu od od 5.614.416,63 KM bez PDV-a i popust u iznosu od 252.648,75 KM koji nije uračunat u cijenu.

#### **PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđač, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

**MINISTAR**

**Nikola Arsenić**